

14. november 2016

UKA 2016/27

Siunnersuut: Inatsisartut inatsisissaattut nr. xx ulloq xx.xx 2016 Siusinaartumik pensionisiat pillugit Inatsisartut inatsisaat. (Aaqqiissutissaq § 31 inatsisip kalaallisut allassimanera)
(Isumaginninnermut Ilaqutariinnermut Naligiisitaanermut Inatsisit Atortinneqarnerinullu Naalakkersuisoq)

Siusinaartumik pensionisiat pillugit inatsisartut inatsisaata allannguutissaanut Siumumiit imatut oqaaseqassaagut.

Inatsisit Inatsisartuni suliarigaangatsigit inuiaqatigiit iluaqutissaanik toqqammavilimmik siunertaqarluta inatsisiliortarpugut, oqaatsillu marluiit ulloq manna tikillugu atorlugit suliaavut ingerlanneqartariaqartarmata ilaatigut kalaallisuuani danskisuuani oqaaseqatigiit naapertuutinngitsumik oqaaseqatigiiliorfiusarsimasinnaapput, taamaalilluni siunertamut naapertuutinngitsumik anguniagaannngitsumillu kingunilimmik inatsit paatsoortitsisinnaalluni, qujanartumilli tamanna pikulanngimmat oqaatigissavarput.

Matumani inatsisip atuutilersinneqarnerani § 31-imi kalaallisut danskisullu imminnut naapertuutinngitsumik oqaasertaliisoqarsimanera pequtaalluni inatsit manna allanngortinniarneqarpoq.

Inatsisip atuutilersinneqarnissaannut siunertaanngitsumik inatsit kinguneqarsinnaammat taamaalillunilu innuttaasumut pisartagaqalertussamut pisortanullu inatsimmik atuutsitsisunut paatsuungalersitsisinnaammat annertunerusumik oqaaseqarnata inatsisip allannguutissaa taama isikkoqartillugu akuerineqassasoq Siumumiit inassutigaarput

Jess Svane
Siumut